

docriver 文川网
入驻商家
在文川网搜索古籍书籍获取更多图书

中國方志叢書·華中地方·第八二號

據清·諸自毅等修·程瑜等纂
清·嘉慶七年刊本

影印

浙江省

義烏縣志



1956

成文出版社有限公司印行

10105939

R
L29
H8'9
S2 12'

中國方志叢書·華中地方·第八二號

據

清·諸自毅等修·程瑜等纂
清·嘉慶七年刊本

影印

浙江省

義烏縣志



成文出版社有限公司印行



中華民國五十九年七月壹一版

義烏縣志

全二冊

發行人：黃 成 助

出版者：成文出版社有限公司

台北郵政信箱二二六〇五號

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

docsriver 文川网
入驻商家 古籍书城

在文川网搜索古籍书城 获取更多电子书

重修義烏縣志序

知縣知一縣者也不特簿書錢穀宜知也知今古之異宜以資因革知風俗之醇漓以資利導知人才之盛衰以資長養夫敦周知古今風俗人才之故以盡因革利導長養之宜舍縣志莫從哉義烏自秦時建縣至今千數百年其間山川城郭戶口田賦人物風俗之變易於時代者不知凡幾宰斯邑者其能置勿問耶邑令諸君以披草出宰下車之始期於更化善俗以縣志自康熙雍正間王韓兩君修纂以來未有繼者乃首先捐俸與兩學博程君李君及縣紳士朱世瑗等輯而新之自己未迄今凡四閱歲而書

義烏縣志序

告成乞余言弁其首余覽其卷帙次第若網在綱去質而存真事增而文省較前志燦然改觀焉是何其知之能詳且備也余膺簡命來守斯郡即謀輯郡志議者謂縣志先修則事半而功倍今是志與蘭溪浦江諸邑先後告成謂非將伯之一助歟抑余更有進焉者書曰非知之艱行

資拜獻者當不止是姑于是書乎卜之

嘉慶七年歲次壬戌仲冬穀旦

賜進士出身知浙江全華府事翰林院編修兼撰文苑實錄館纂修官加四級吳縣嚴榮撰



義烏縣志序

重修義烏縣志序

國有史郡縣有志史不勝書者則志是微志也者史之輔也於以昭法戒宣風教下不失輿論之真上可備輜軒之採所係不恭重哉義烏之有志自元至正間黃文獻本縣令較書郎鄭安平元豐舊志及漕貢進士黃應和咸淳續志錄而成書嗣後以次增修至本朝雍正間高陽韓公釐成廿卷而志始大備第距今又七十餘年矣其間山川土田戶口貢賦制度人文既事與時殊亦人與代異若不急為補輯恐前無所承後無所依文獻無徵亦有司者之過也余承乏茲邑披閱圖籍即有志斯役會紳士朱兆咸

陳瑞科等合辭呈請意甚懇至余竊喜同志之有人乃餘
董設局延聘程去瑕李鶴汀兩學博主持筆削博採通志
郡志及諸先達文集與各家家乘正其謬謬補其闕佚事
增於舊而帙不加繁體從乎固而功同於秘書既成有進
於余者曰是志也其紀載之陽秋乎上下千年巨履細列
存任詔來美惡胥舉總做說約勸一懲百法戒昭矣比事
連類託物寓警閱是編者得察吏治之良窳財賦之盈縮
人才之隆替戶口之登耗風氣之醇漓若網在綱而風教
可窺矣先生激學海餘濶規權斯邑將以備簡臺金匱之
選舍此奚適矣余避席辭曰若是者余則何敢惟是時際

義烏縣志

卷三

雍熙 聖皇繼作大烈豐功昭耀千古而美邑以孝著蹟
嗣而駱宗黃王芳躅未艾所賴與二三君子交相砥礪巨
其不逮此則余之幸也其或一張一弛與民皆宜因物利
導俗易風移後有君子跋予望之時在嘉慶七年歲次壬
戌十月之望

知浙江金華府義烏縣事加二級青浦諸自穀謹序



義烏縣志目錄

義烏縣知縣諸自叙重修

舊序凡例見前

卷首

圖考

卷一

建置沿革

星野

形勝

疆域界至

城池

鄉隅

村莊

市鎮

坊表

戶口附馬

卷二

義烏縣志

目錄

山

水水利

橋渡

亭

卷三

學校

書院

卷四

署廨

鋪驛

倉貯

兵防

礦防

民兵

卷五

田賦上

卷六

田賦下

徭役

蠲卹

助賑廣惠

養濟院

育嬰堂

惠民藥局

卷七

漏澤園

壇廟

祠祀

典禮

風俗

卷八

官師

卷九

宦蹟

卷十

選舉

卷十一

貢士

卷十二

仕林

雜職

壽官

農官

醫官

僧會司

道會司

武職

封廬

人瑞

卷十三

名臣

忠臣

孝友

卷十四

義烏縣志

目錄

二

志節

卷十五

理學

儒林

政事

文苑

武功

隱逸

卷十六

實行

卷十七

列女

卷十八

方技

高賢

仙釋

寺觀

卷十九

飛鳥原志

目錄

三

塚墓

古蹟

土物

祥異

雜記

卷二十

藝文上

卷二十一

藝文中

卷二十二

藝文下

義烏縣志舊序

縣人前史官黃潛序 壬午十三年秋八月二十日

義烏自秦為縣歷漢唐訖五季見於前史與它圖記者或總序一州一郡或略舉一事一物其詳靡得而周知宋元豐舊志出於縣令較書郎鄭安平而所記下及南渡以後必非其本書或淳續志出於潛之族曾祖舊記王公賦之今查黃姓潛貢進士應麟手業見在而別本譜載曾係曾祖孫潛貢進士應麟手業見在而別本互有異同蓋方纂輯而未經裁定亦非其或書刻自國朝統一函夏縣地入於職方已七十有八年官府之建置人物之登用風俗之趨輻戶口之盈縮貢賦之多寡

義烏縣志

舊序

志無所登載可不謂闕典歟為政者迫於簿書期會米鹽碎務未遑有所咨訪也今縣大夫標約取詳而事無不理爰以暇日詢山川形勢地之所生語言土俗博古久遠之事得元豐咸淳二書屬潛重加詮次以傳潛衰朽荒疏無能為役乃俾王生禕朱生康合二書而參之群衆刪其繁冗訂其舛誤法當補書則引類相從而增入之附以辨證釐為七卷初以圖冠於篇首潛既辱視其成自為之序會兩生並赴秋闈遂使傳生藻相與較正歸於執筆者而刻焉見大夫遠魯花赤儒林郎亦瑛其張元兒人尹承直郎陶恩泰許州襄城人

前戶科給事中邑人朱肇序 正統己丑冬十月

正統六年八月十日履陵劉公伯詢來令義烏得縣志請之參以舊說分其類例而續修之凡十四卷以十年九月二十五日書成屬肇序之竊惟志之為書尚矣天下之廣兆民之衆語言土俗博古久遠之議非志弗知是以成周之時制志有職掌而志有二內而邦國之志小史掌焉外而四方之志外史掌焉事皆達於朝廷關於政令故王者有誦訓之官所由以設也後世列郡雖或有志未嘗領於王官往往出於文人好事者為之然而僻陋之邑無文獻足徵者或載之未詳或闕而弗具

義烏縣志

舊序

聲華故實不獲附見於書者十常八九公以己未進士經明而行修學博而才廣覽前志絕筆之後作者既寡恐其缺文而乃奮然獨以纂修為己任矧夫縣所轄四隅八鄉鄉之所統者都都二十有八提封凡二百里民堵屋三萬區誠壯邑也公又為邑之宰民之望文獻有足徵者宜其為書夫是書也公之用心於事必誠必謀必度必詢于時言語虛虛之間人才之消長風俗之感衰聲華故實雖久而遠靡不博知且志復合以圖山川形勢地之所生成並錄之而更考訂之精詳纂修之具備教化以明政令以興上可以裨益於今日之治道而

比擬於成國之盛典也非浮泛之士數之未精缺而弗具者所可同年而語矣肇因借妄序其大槩輒又寓其贊美之私以俟覽者知是書不特為一邑之盛觀復為四方文學之士為之述志者是私而足式也若夫歷代沿革之故前序備詳之矣茲不復贅

晉陵周士英撰萬曆丙申季秋朔吉

今天子治綦郵隆詔延蘭臺石室之英珥筆紀載嘉興海內郡國有司咨求故實上之以襄大典甚盛舉也於是不佞英捧檄而承乏邑寄蓋三載於茲矣則竊取邑之往牒讀之不終卷而歎曰嗟乎不習為吏視已成事

義烏縣志

舊序

三

夫己事之無稽其若掌故何何政令之為也余惟烏之有志肇自宋元豐鄭安平已續志出於黃應繇繼之文獻門人之銓次始集國初正統六年邑令劉君同暨洽舍朱君學克纂之乃頗可著傳百餘條以迄隆慶諸君允哲方銳意編葺書未成而以內召行屬經生司其事叙述闕略編次無倫識者慨焉余承其後即山川星野依然無改而事異世殊城市公署之廢興貢賦戶口之殷耗人物宦蹟之代作賦咏著述之騰響紛紜蕪墜於余乎余奈何其避燕邱之誦而滅往蹟於是語謀文學文學曰志者古外史之流也而縉紳先生難言之

茲幸於時俗之說則虞極推於雖黃之口則虞格繩以筆削之旨則虞怨君侯習雷代之掌故而出其塵垢純糠陶鑄邑乘且持功令以鞭箠二三子敢不唯命則進諸生而授以凡例令先次其梗概網羅舊聞涉旬月迫季冬弗克竟其緒會余報滿已於事而竣曰吾今退而得卒業於志矣乃賴簿書之暇發故室之笥藏據老儒之口默雜采風謠而訂之以賢士大夫之絕籍眇言時與博士諸生商略更定凡為類八為目五十有三為卷二十甫五閱月書成出以徧詠諸生諸生進曰往長老稱說吾邑自顏宗建鵝枕廬殉國照映後先故其民至

義烏縣志

舊序

四

於今猶崇尊親之化家有譜宗有祠子孫祀姦盜者擯而不得祭會故其民至於今猶重檢押之訓皆雄里中者不憚出粟以貸令輸財以餉軍而閭里化之故其民至於今猶存好施之風然而地薄土瘠芋粟不充故其民寡積聚而多貧徵車四馳押習技擊故其民好於力而語難杯酒貴望錐刀競爭故其民務慎收而關捷軍國靡耗徵稅百端故其民多遠逃而執法以今徵之志信矣夫月異而歲不同矣豈所謂風聲之降如江河之不可反者耶余曰諸生前而不聞詩之記列國耶幽風歌稼穡輯仁周贖無衣賦戈矛作霸秦基等是民耳漸

之禮義則禮義習之詐力則詐力所為轉移之者異也
為民親近所漸習蓋駸駸乎秦俗矣至其親上死長敬
宗急公之誼不以其故貶性長民者誠照之以災禍安
之以愛利柔之以調和一之以易良道之以忠信刻之
以師友則豈必易民而治哉語曰奔蜂不能化蒼蠅越
雞不能伏鶻卵而魯難則能之其才固有巨小也余才
小安能化人姑垂空言載之志以俟後之能者文學曰
諸生之言風君侯之言治邑乘之大義具是矣上一日
顧闕侍臣討論為傷之掌故請握簡以進遂以其言授
之而弁之簡首

邑人吳大纘撰萬曆丙申孟冬

義馬縣志成周公則以視大纘大纘卒業作而言曰志
者志不忘爾故實足徵何為修之方域既辨何為圖之
為日五十有三厥說何放夫視故何駢枝稱述炳炳厥
行焉遺文辭燦如何蒐何漁采摭何詳篇籍何侈何舍
簿書期會而此焉從事公曰疏略抵牾而是非頗謬可
以徵乎自隆慶至於今二十餘歲矣若為制疏為令承
敝易變當時為是而可以闕然不錄乎夫論焉而潤色之
使文獻重邑逾章章較著非苟而已也此不同地耳
其高下險夷利害載籍不能紀也車轍馬跡不能周也

圖之而按牘若履四封不出戶而可以擘畫不然邑令
豈不墮理是務而欲以考方辨域何繇哉昔司馬子長
之為書表傳也靡不總要舉凡考源會委誠覽其繁亦
足通其指歸矣而若秩祀若禮儀若礦防民兵田賦廢
邑之典章不載遺利病登耗之故不述放失孰甚焉烏
邑庶幾鄙魯宗王而下矜節遺烈何論顯幽然或隱而
未述述而未章章而未備備而未當今惟是執衮而議
略法九品之敘舉其大不遺其細以風之而其間搗解
揆藻作者斌斌毋論經國即以關風教君子有采焉而
比文學於郭魯之闕奈何使探藪海者致歎於遺珠也

夫豈好為繁博哉志者史之流也史稱罔羅故失舊聞
以原始察終為聖人之耳目而乃欲抑割其事挹損其
文俟後之謂何是志也典刑故實既繁然足以觀矣若
猶足辭蹟已爾將焉用亟從事也語曰不犯所咨則能
訓治其民無亦覽流末之漸以采風財化追俗為制效
前之康康而去其冗政無鈞政咨詢之煩其於圖民若
按越人之書而酌禁方也豈其皇皇於簿書期會而曰
其有瘳乎余不敏日治程書顧何能樹不朽之業要所
謂論次其義竊取即二三子之力余何敢讓焉大纘曰
美哉洋洋乎詳而核文而有則志之良也乃若裨政百

姓之德也余所謂耳食者余則鄙哉

賜進士第大中大夫雲南布政使司右參政前奉勅

整飭辰常黎靖兵備工科左給事中侍經筵講議

邑人虞德燭撰萬曆丙申冬十一月上浣

古者記事之史謂之志太史公史志為記班孟堅復於
漢書立十志今世志郡邑者大都倣班氏而義例悉祖
六經是故疆域憲諸禹貢法制準乎周官風俗寓五禮
之修獲賧竊春秋之旨象大壯而奠宮室咏風雅而繼
詩章蓋所以藉往蹟鏡來葉而政教攸禱所係非渺小
者若其具存文獻規屬罔聞即摘雲霞而窮隸首君子

義馬縣志

舊序

莫取焉况邑志又郡與天下印證者乎我烏受邑最古
肇稱漢唐舊有志前後今茲土者間修之顧過繁者靡
精選略者靡詳兼之沿革久則索緝難時勢殊則劑量
難變尊簡則法微預杜難不有作者毅然起而折衷之
如信傳何邑大夫當公牒叢委分神奇慮較繁其事裁
監操之獨斷詎謀協之閭巷辨證參之往牒品隲叢之
素履或躋而斬或視而舊約或益之繁或衰之附或離
之判或合之舊貫五之始始四之而人事述十七為志
人物則表以存其樂傳以錄其尤志藝文則章疏取其
較丹篇什取其襄化方輿則弁以圖說時務則紀及礦

兵補益往昔而杆軸自我更於類例反覆闡明蓋洵乎

精且詳矣今其書臚列其在試覽形勝而被圖紀時不
康康封守乎政經濟而問興廢時不斤斤典常乎按食
貨而悉兵防時不蒿目民告乎稽人文而跡其品叙口
其紀述時不思振聖而摠經濟乎用以立極樹教章紀
程物規屬之道於斯乎備夫豈所為存文獻耀耳目而
無當作者之志哉昔呂黎致圍經於韶郡紫陽首問志
於建康邑大夫益心二公而起者它日友經翼史宜黼
黻為聖天子風化之助志不在一邑而在天下斯其左
卷也夫志凡二十卷類例四十六日始事訖役凡二十

義馬縣志

舊序

月茲殺青行矣燁不揣鄙陋次其顛末云大夫周公士
英疏惺我常之武進人起家士辰進士
縣儒學署教諭事舉人謹廷錦撰丙申孟冬月之吉
夫國有史矣而天下郡縣各有志者何也以鏡與圖辨
風土量食貨類時務評人物徵文獻躋通信遠繼懲繩
勸以佐史之所不及者也夫志亦未可以易言也昔者
司馬氏年十歲誦古文二十而行傳游天下故其記傳
書表敘事觀縷象貌肖情千載而下撫其簡宛然若見
當日事焉故曰馬遷良史也志以佐史也奈之何易言
之也夫秦筆恒嶽人慕而登焉至百里之內而耳目有

不及睹記者矣墳典邱索人爭而鬻焉至家藏世籍有
獻帝視之者矣常人溺於凡近學者忽於習聞况乎文
采不足以耀無窮是非不足以訂軒輊而曰志云志云
人得無掩口笑哉古稱在春秋隸於越比之列國杰才
輩出致之史冊爛焉自秦罷侯置守而顧孝子以血誠
格鳥邑始以鳥名然未有專志也宋元以來稍稍有之
然遠者散落近者雜沓怪我周公治鳥之三年政成訟
簡堂皇晏如一意修古文禮樂事覽舊志覆然曰鳥昔
稱鄒魯之邦也而典籍湮滅至此乎其司風教者之謂
何乃購求民間故實凡山穴殘碑故家半編悉播撫焉

鳥邑志

善序

九

屬吳生全生具草稿而問與不任揚推之公親操繩墨
施斷焉芟厲錄其汰駁澄醇蓋十閱月而書始成矣余
讀之卒業其義約而該其事敷而可信其辨確時時甚
晰而其法可行之久儻亦司馬氏之意乎余觀公治鳥
嘗以一驕循行阡陌降祀父老問訊俗疾苦自阮寒要
害之處以及村落波池無不身親歷覽焉過顏駱宋王
故址愜然弔心欲障百川而東之其最大者戶口有編
徵稅有則礦禁有議召募有奏蓋四年所而精神意念
無息不流注於鳥則公之胸中業已有全志焉冀待馮
程謀飾文藻也於是懸之國門而鳥人士請付剞劂以

垂不朽且謂是役也不任叨與鳥宜一言附之簡末顧
不任非嫻於文者而諱不可辭乃進鳥人士告之曰昔
亦知公志之所以修乎夫事有似緩而實急能禁未然
而不能禁已然者志是也今公甫下令而鳥人士竊踊
躍以喜曰某吾先世也某吾大父也與者有華衮之
榮不與者有鈇鉞之辱蓋亦善善一念不容已耳由此
念充之可以銷慍性而歸之醇美故表章若鄉先哲懿
行使有所觀感而興起為人子依於孝為人臣依於忠
無伐技以相高無悍庚而鼓訟若者不媿顧宗諸君子
而是志也庶幾不託之空言矣夫紹明世正易傳繼春

鳥邑志

善序

十

秋本詩書禮樂之際意在斯乎蓋司馬氏之志鳥愚以
為周公之志亦在斯也爾鳥人士以為何如於是鳥人
士翕然稱曰俞哉敢不晝夜講貫習服以無忘我周公
所論者焉
賜進士第中順大夫太常寺少卿前吏兵二科都給
事中侍經筵官郡人許宏綱撰西中冬十有二月
上說吉
皇與自二畿外而稱大藩者必首浙浙自宋儒後而稱
中原文獻之傳者必首藝藝凡八邑而建自秦漢者必
首鳥傷鳥傷之更為鳥孝為獨為華川為義鳥也名號
數遠疆土數裂而人物亦時時輩出其間顏氏之在秦

駱丞之在唐志簡文清之在宋文獻之在元王待制
都諫之在明其尤著者也迹鳥之在山山大川不遠雲黃
繡湖諸勝都鄙不過二十八戶曰賦不過吳越壯縣
之什三然使數君子者黎德度材與四方豪傑聯駟而
馳未足誰為中下則鳥之所由重其在彼歟在此歟未
尤以東郡邑始各有志鳥志一創於鄭安平再續於黃
應蘇及文獻門人而正統纂修之役劉侯同為大備隆
慶中潘侯允哲嗣修之始未嘗不刻意校讐而末稍薄
遠漫漶也時事日新遺編闕略何以觀焉毘陵周侯來
而瞿然慨也葦月政通百廢具舉爰迄之文學謀之邑

義烏縣志

舊序

十一

薦紳為局以授諸生吳從周朱應秩等討論編葺而侯
時取哀馬閱歲帙成為卷二十為類八為目五十有三
語賸指深悉具泉美於是雲黃諸山若增而秀繡湖諸
水若澄而清原隰若闢而廣先後官師人物之傑出者
若旦暮遇而比肩接踵也志如是足無負劉鄭諸公矣
余姻朱子應和金子文德致侯之命謂不佞家鄰壤宜
有所述過而問序者再不任以不文辭而終不獲也則
嘗試言之夫志之與記埒耳然記業專寡昔人所識得
毋以所謂志則必有精義存乎蓋孔子之作春秋也其
事極文其文則史而其義則曰邱竊取之後世遂以為

我自聖心游夏不能與夫成周之史散在列國者彬彬
備矣董狐南史汗青與日月爭光豈不能傳且久惟無
人折衷之故難齊晉大邦其究與邠鄘罔沒沒而魯以
一匹夫竊取其間其史乃至今不廢故春秋者一國之
史而天下萬世之史也魯之為國未必倍於鳥其史未
必詳於鳥志而侯之折衷筆削未必不原康孔氏法程
即進而志兩浙志一統恆必由之奚翅鳥志與藝文獻
足徵而已哉於乎掌故具而後史視已成視已成則史
習繼觀備而後人懷往哲懷往哲則民興不具不備今
日之事也且且備矣而不習不興後之君子儻亦惕然

義烏縣志

舊序

十二

省乎是侯之所以志遂為之序而文勳焉
知縣熊人霖序崇禎十三年六月吉日
皇帝惠綏方夏道洽政治潤澤生民薄海咸歸玉昭成
式惟求又誕肇命於閩部惟大明一統志惟清有典在
土演和民乃寧其續緝乃簡載筆諸臣肅肅對揚顯命
咸懷厥靖惟茲方夏郡若邑厥志或未奏於大府其曷
從周知風土考厥格人森言乃有咨郡若邑各奏乃志
臣人霖奉命宰義烏祇祇威威慎乃司奉恤厥若罔敢
時康爰閱故府蓋在萬曆丙申歲邑乘其修惟邑令周
士英實珥筆茲越四十有餘載厥政厥人罔際見切茲

有室大競丕式見德於有邦甲令載中保惠惟民完贖
城闈克鞏乃字數千緡及時乃揆程乃積乃倉庫蒐於
甲士丁士俾師極極其託律重釐乃成其可弗咨弗茹
矧茲今佐若司鐸在厥服顧用科目賢民生好佛是繫
弗臆曷鏡臣詎敢怠荒以故楮報乃款詢於邑之黃髮
謀人良士惟黃髮謀人良士迪於臣曰隆土惟共厥績
憲遣維稽厥章稽章則共共績則忠藉用白茅不敢苟
也臣人霖避席瞿然曰格哉惟言霖其敢所見無詞其
敢所聞無詞所傳聞者舊志具在固求有異詞焉耳茲
士英舊志實因先臣劉同正統志正統志因元黃潛至

正志維時

王禮贊

元志

正志維時厥徒王禮贊贊厥辭元志曰宋元豐鄭安平
志安平於縣志若道河自龍則積石可知厥原然溯秦
郡會稽縣焉傷以來坊漢地里志乃進稽成固越組開
疆墜女維揚州宅齋土茫茫而書焉貢愛哉權與自古
在昔固曰先民有作也述而不作臣敢不恪執乃事於
時夏五哉生明率訓導臣何等高臣俞正君拜稽首珥
筆明倫之堂成編綴曰縣圖增厥營建遵功令者曰方
輿增厥城若梁新飭者曰經制增厥學門兵營曰物土
考厥戶口之版餘雖仍舊貫曰時務雖茲擊析踐更簡
練為勇衛雖茲舉燭之役革厥奠飲惟茲敬獄恤勞

賑以裕用似畫成以惠康民生簡恤民力資澤民困昭
之書以永率俾餘惟仍舊貫曰人物雖賦官雖選舉
萬曆屆茲庸章朝廷簡修進良承弼恤土俾胥康如其
品藻以俟君子曰雜述表厥典冊法書執者暨讓議
歌施於有政者餘弗敢贊一詞或維仍舊貫茲今志因
舊父罔減總時刊鮮績古之人時用功不閱月克就厥
緒惟邑之蹟或滿既備乃奏庸佐闕部敬共承式感心
尚亦曰大易白茅之藉或蓋邑之格人恒為臣言貴賤
也漢嘗鑄侯官鈔法畫一宋趙忠獻李文靖感於中外
所陳利害罔使聽惟厥攸居政事惟醇佳奉以周旋

正志維時

王禮贊

元志

臣小史也服牛乘馬焉敢憚勞然為政亦多因維時率
下親上共績靖志溫恭朝夕庸對揚天子顯命臣敢曰
不素餐哉
邑人前工部左侍郎金世俊撰 崇禎庚辰秋七月
廉願為民孝感飛鳥而吾邑以義為名郡縣初開即有
茲邑其來甚矣浮黎會稽郡後乃屬藝雖僻在山中猶
有十嶺蓋登之勝焉故越中一壯縣也山水清美代有
偉人唐初文傑實產於斯敬業一檄千秋誦義曰義鳥
駱賓王而義鳥重矣東京留守隻手中原過河之呼王
今猶壯曰義鳥宗澤而義鳥益重矣此百代珠純之人

物不待志而著他若文清徐倫之正色立朝文獻黃潛之雄文擅代志文王禕志應龔泰之端志殉國皆如畫日在八耳目而歷邇前修文章節義往往克自樹立蓋其崇崇奇峭巨浸滢環風氣所鍾故如山如石之操如泉如瀾之筆項背相望披覽往牒有不勝桑梓之共者邑志始於宋元豐鄭安平續於咸淳黃應麟而至正續修則文獻董裁而使其門人王禕朱廉屬草經大儒筆削義例精嚴故嗣修者亦易亦難所謂易者宗駱諸公在前文獻載筆後人非卓犖可志誰敢廁其地壇亂其衰錢主者仍舊貫而自稽核故曰易也所謂難者

義烏縣志

舊序

五

陵谷之變遷人物之代謝風俗之淳漓戶口之登耗貢賦之多寡時移事換安能為膠漆之鼓故曰難也國朝以來一修於劉侯同再修於潘侯允哲萬曆丙申周侯士英又續修之今又四十餘年矣江右伯甘熊侯來令茲邑政通人和興廢舉墜酌古宜今為烏畫便種種可書聖主加意元令郡國咨求故實各以志上備蘭臺石室之記載熊侯乃取舊志而續修之雅不欲紛更惟如文獻所云法當補書則引類相從而增入之迨尋邈逝附以新政匝月而畢真可謂難而易矣蓋熊侯善屬文為壇石公毅似固彪胡蔡之度搜自有淵源與文獻

諸君子結翰墨緣故在今日吾烏不大重舉前序不忘俱可為後事之師前人在堂亦可為後人之則後不徒幸觀成書殊深周禮在魯之快而興懷先哲怒焉自歎則亦無有乎爾

賜進士第徵仕郎御試特權翰林院簡討前廣東香

山縣知縣行取邑人虞國鎮序
國初疆理既定四方郡邑咸輯志書蓋因漢而還有輯軒之使以周土俗故孟堅志地理子雲訓方言亦國風之義也方今皇上道隆化溥洋溢方宇薄海內外靡遐不照深討所以一紀綱正風教者爰申綸命纂修會典

義烏縣志

舊序

六

俞廷臣請俾郡邑各以志書獻用資政訂甚盛舉也我綱本禹貢揚州之域自秦以來高顏烏之義受名孝烏嗣後顯人代作駱丞著烈於義檄忠簡矢忱於還旆志文奮貞於秉節其餘英賢之盛代不勝數皆能質有文武彪炳一時而其風俗允篤果貞公赴義樂易於善復為他郡望焉邑乘之修自萬曆丙申以迄今曠而不舉者四十五年今豫重熊侯准茲邑三載百度具舉訟平事理賑勸農講鄉約興社學而又釐革冗費代完丁差所以教養斯民者甚厚繕城闈謹備蓄嚴保甲設兵制風夜小心為天子扞衛有邦厥功懋焉期將報績

而適逢聖明留意風俗之時爰覽前載董師儒詢遺逸
舉修斯典而我里元老左司空金季觀厥成械帙而印
之不任國鎮不任史官也義當言史蓋為政者齊民必
以義道民必以禮欲義先惠欲禮先立既立既惠政事
用備小大有章乃績可紀考往訓今式昭民度若乃董
董簿書者豈暇將神於言文行遠哉觀於邑史之告成
而益信我侯精白乃心上佐天子明明之化思意篤淵
經術宏遠文章政事於茲見一斑也侯之尊公大司馬
文武憲邦足當古所稱社稷臣而筮仕吾浙吾浙至今
詠歌懋德焉侯以承家為報國吾浙世庇甘棠直以越

義烏縣志

卷序

七

乘為傳譚豈非熙朝盛事哉

邑人董楷撰康熙十年十二月

縣以烏名志孝也在列傳有曰吳叔和為母負土門巢
赤烏蕭故居廬慈烏來巢凡以烏性孝而行孝者多感
召於烏遂因一二翔翔修為僕事未有純孝格天致
羣烏畢集共傷其喙如吾邑顧氏子者上溯秦漢八登
皆以烏傷得名由晉唐及今或名烏孝或名義烏世變
而名不變以見孝道之恒存天壤也大孝為百行之原
作忠於斯求忠亦於斯事功理學莫不根本於斯故邑
有孝子而後如駱文忠抗辭討武宗忠簡魏奏回鑾王

忠文東節於論梁龔忠慈捐身於靖難英風大節千古
為昭至若徐文清黃文獻之理學楊僕射吳司寇之事
功本朝朱梅麓公之績著河防金紫汾公之名高諫議
以及文人莊士烈士貞姪史僕未易悉何莫非顧孝子
有以闡其原而諸先正有以挂其流哉因思吾邑山川
之勝不過縹緲水雲黃習俗之醇不過急公慕義而人物
之盛較無愧於大邑通都舉而修志焉蓋憂夏其難之
歲庚辰邑侯鶴臺熊公纂訂成編庶幾可考垂今三十
有四載皇帝道總顯承孝隆尊養纂修實錄揚托祖德
宗功俾臣民知所法守大哉王言固已正天下之人心

義烏縣志

卷序

八

風俗矣乃於宵旰之暇復詔郡縣各修志來用備一統
全書通桐江于先生來命茲土仁孝性成與太翁南宮
偕獲其承惟為遠近所傳頌甫下車展拜願孝子墓春
秋勤祀事儼若有針芥之投焉凡民間由孝而推之節
義一行可風即力請推揚示勸至講學課農緩科有罰
興利去弊善政不殫述而於修乘之舉尤不敢以其文
視躬行載筆其慎其難檢殘篇詢故老詳記述嚴去留
補缺正訛無偏無濫於以上告成書為感朝黼黻則忠
全而孝亦全也足役也承延訪所及因屬序而在烏言
烏謹從孝子立說以宏聖天子之雅化以彰賢執事之

docsriver 文川网
入驻商家 古籍书城

在文川网搜索古籍书城 获取更多电子书

感心維桑人士請是編而推上行為下做祿廷獻於家
修庶無歎於古今人之不相及也云爾

知縣于連序 補抄舊序康熙十二年癸丑正月

志有天下之志有一邑之志天下之志合衆邑而成之
者也故邑志貴也曷言乎補也元黃潛言法當補書則
依類相從而增入之先氏有作自古在昔不敢居作者
之名又不敢貽後時之闕故曰補也義烏縣志重修於
崇禎庚辰邑令熊人霖原本前邑令周士英舊志自秦
漢以至元明記載良備距今三十餘載且當鼎革之餘
世再閱世事不相襲掌故遺落責在守土補志國臣志

義烏縣志

舊序

十九

也適天子從輔臣請廣部院徵四方之志入史館輯大
清一統志檄行郡邑臣乃萃邑紳士之博聞蒐集遺書
博採野謀其前志所不必補者分野疆域形勢山川歲
時物產等類無煩續綴若風俗所以辨人心經制所以
昭憲典賦稅所以資國用以及人物之盛衰時務雜述
之升降得失是不可不詳加纂定依次補入而補之中
又有難為補者人物志也人莫不私其親而冀美名於
身後往往以庸碌之質濫竽才名鄉曲等倫謬稱碩德
甚至見在而立傳白衣而冒官容之滋濫却之招尤臣
寧招尤毋滋濫凡以聖天子欲成一代信史而受命者

不以天子之心為心是不忠也是臣所大懼也是書起
於崇禎十三年迄於康熙十二年凡今之異於古與今
之繼乎古者合則國綱總叙分則逐目條疏一一附於
各條之後補成而上之採其緒論彙成良史以入告我
后倘殷然念僻邑之荒殘建設之艱地賦役之重繁人
才之零落渙布德音嘉興維新則此志也其義邑更化
之一大機括乎則臣志外之心也

金華府同知兼攝縣事常光裕撰康熙二十七年

凡邑中山川之秀異人物之奇偉有亘天地歷古今而
不朽者人未嘗親履其地而欲悉知其山川人物非覽

義烏縣志

舊序

二十

邑志無由也故古周禮職方氏掌天下之圖以掌天下
之地而又有小史掌邦國之志外史掌四方之志此一
統志通志郡志邑志所自昉也然而邑志從詳郡志通
志一統志以次而從略故欲周知山川人物者必取邑
志而備者之由是覽諸郡志通志一統志如振裘得領
潮河得源自博而歸於約舉凡天下之大古今之遠殆
一覽之無餘矣然則邑之有志也豈細故哉夫一邑之
中其為疆域形勝幾何其為風俗禮儀幾何其為貢稅
物產幾何其為水利名蹟幾何其為署廨祠墓幾何其
為政績藝文幾何分條別類纖悉無遺而余槩之以山

川人物不疑挂一而漏萬乎不知古者賢豪輩出多由於川嶽鍾靈蓋約必隱於蓮谷龍必伏於深淵二者相因理有固然故舉山川而分野則壤經制物宜不外是矣舉人物而名宦鄉賢政事文章不外是矣此邑志之所係甚鉅而修之不畧緩也義烏縣志作之始自宋時榮陽鄭君修之止於明時進賢熊君刊有成書其山川人物彰彰可攷適者桐江子君為烏今復取熊志而續修之繕本雖成未付剞劂戊辰夏五邑中紳士因余攝烏篆進于君續修志請序於余余一披覽之見雞鳴石樓畫瑞雲黃酥溪縹湖山川之秀異甲於浙東而若秦

義烏縣志

舊序

五

顧孝子唐駱臨海宋宗忠簡元黃文獻明王忠文諸公忠孝節義理學文章難更僕數其人物之奇偉又不止甲於浙東嗚若此者非亘天地歷古今而不朽者耶凡官茲土與生長茲土者景行往哲取法前賢覽斯志也不啻師保臨之而箴銘詔之矣余今親履其地心竊嚮往焉惜子攝篆未久不遑披鐫聊為序此數言以應諸紳士之請則此志之增輯登報是所望於後之君子云

知縣王廷曾序 康熙三十一年五月吉旦

人臣叨一命之恩無事不當以朝守為心者也矧當堯舜之世典謨宏備可不翼翼秉承乎日者下明詔令直

省各編通志通志成命儒臣彙修一統志今一統志成矣明臣李文正東陽曰東漢南陽撰作風俗之後郡縣始各自為志兼地理人物文章制度而有之而史之法略具顧史之地里文章制度核於職方之規格燦於制誥章奏之體製洵於兵農禮樂之條貫而歷郡而際范模革略節司稀疎如三家之郵談中書堂事食於耳者未徹於胸史之人物美惡內外皆收志則存美棄惡詳內遺外斯為少異義烏故有志在元邑人黃文獻潘志序中云始元營鄭安平此邑令也任始二年而文獻云下及南渡以後必非其本書蓋猶後人之因前志而綴

義烏縣志

舊序

五

補之也又云咸淳續志出於潘之族曾孫潘貢進士應蘇屬細高居士中輔之族孫號鐵巖嘗編華川文錄者然細高歿在宋泰檜後檜卒在紹興二十五年細高歿當是二十五年鐵巖當是開禧嘉定時人前文獻生七十年鐵巖之生又先二十餘年疑是族曾祖所謂手彙與別本有異同亦未成書者此文獻所見之彙又見有別本也其文獻七卷之志成於元至正十三年本鄭侯鐵巖二書而於所闕之建置人物風俗戶口貢賦合以山川形勢久遠之事屬王忠文禕朱長史廉參之類乘刪其繁尤訂其舛誤當補書者引類增入附以附錄

初以圖冠篇首此志實忠文長史所編而後傳廉使藻
司校正焉此前志之第一本也而自至正十三年至明
正統五年有十卷之志亦如鄭志下及隆慶而前關五
卷不知其撰人六年劉侯同有十四卷之志僅見朱給
事序序亦未見其書今所見者惟萬曆丙申二十卷之
志周侯士英所輯而本有二一為丙申原本一為崇禎
庚辰送繼遞翻之本初則得庚辰本而關五卷繼得繕
本繼又得庚辰全本繼乃得丙申原本繼乃得正統五
年以前十卷之殘本而國朝康熙十二年以前至明崇
禎庚辰則見于侯遞之抄略十三年至二十二年則見

義烏縣志

卷序

三

辛侯國隆之抄略然抄者十不能一而魯魚亥豕字謬
頁脫無可准據即順治丁酉之賦役全書亦不蒐入簡
明多闕乃參府志并稽通志既取宗忠簡及文獻忠文
之集訂補編刻而又討駱侍御賓王全青村涓陳文毅
亮宋文憲濂方正學孝孺楊文貞士奇李文正東陽謝
文正遺陶文簡望齡陳大行際泰諸集合之甲子會記
各省通志紹興諸志互為鑿證又丙申志以先師廟入
秩祀列女先義行有以選舉入雜科入蔭叙武科入武
職有既立傳而後詳注於表有增刪十卷之志而不宜
增不宜刪有改移十卷之志而不宜改移有分而不宜

分合而不宜合有稅糧同額而疊書或改正之或持據
之或省之仍之職官選舉訂而增之官蹟前修方外並
多訂定藝文先於其人傳後附錄一二如忠文所云於
郡邑之間取古今人之文而錄之使其人特是以不朽
即遺國史家遺意而本志內復取前人文甚切於孝友
忠貞文辭理學者增入一二其後人必擇其堪以追配
前作者續之茲從宋求治化之原必本於編戶而發古
今之覆不出於版章其於疆域嚴臺營立學校祠祀典
禮賦役利病見聞方外諸項雜叙者揭之以表如眉之
在列散述者乘之以格如索之串錢而官師人物藝文

義烏縣志

卷序

三

總以歸於性行理學藝績文章要使無一事之不確無
一善之不彰無一詞之不信無一字之不精特成之亟
而文或未如其志至於詳養浩存二妙庶以存十卷之
舊還先達補山南之述南稜之狀晉卿彥修審言之誌
固卿應教諭之序標理學益回鑿登吳周之今聞月泉
之蹤顯寓賢之跡且以展文獻忠文作志之心抑或補
其所未逮自此望咸淳而溯元豐其間亦遞而去立縣
之初一千三百一十五年前事亦漸可引端也蓋十二
年之有抄也以當路之徵志而錄之以上二十二年之
有抄也以是年郡志之修徵於縣而錄之以進而於

通志之編一統志之纂亦惟以是應之其於縣中先後
宜刪宜增之事未經封定即元豐二年以來六百一十
四年非徒不能灼見於心亦且不能汎涉於目則微特
一時之政未能參伍於累代亦且一世之人未能影響
於昔年思不遠而趨每下何以凜法守答聖明乎茲雖
於通志一統志既成之後特為編述以俟史或之再有
徵採藉以上報云其視他邑為稍詳者費文通有云縣
志宜詳若需之以歲月容有進於此者矣
知縣韓慧基序 雍正五年十二月吉日

一邑之志天下之志也凡人物風土之互異章程規制

義馬縣志

舊序

三五

之各殊分之千有餘冊合而稽之刪其繁而存其要煌
煌乎一統之車書於是乎在故會典之成必由省以徵
之郡由郡以徵之邑苟闕焉無所記載一旦輻軒下采
文獻無徵誰之咎歟則邑之有志也固宜其或荒陬僻
壤地不列於名勝人不顯於古今強為搜輯牽綴或編
則作矣而不傳傳矣而不著文止誇其疆域事無關於
法戒識者無取焉烏邑山川靈秀所鍾忠孝文武代有
偉人雖擔夫販豎皆能道其行事里居以相勸勉而其
流風遺俗之存猶能遵守慈章先賢德之思未盡賦
也則安知非昔之人稽古訓今而使繼序之不忘乎烏

之有志所係顧不重哉夫崇尚風教者前哲之典型示
激揚於眾庶有司之職也勤宣德意若當代之宏規俟
百世而不惑匡子之情也方今聖天子御宇率惟教功
勵精以治曠典數行鼓舞作新之意陳之簡策炳炳烺
烺薄海之內輸誠向化一道同風之治再見於茲當斯
之時不一闡揚盛事發明教化之成推論風俗之美寧
非缺失歟本志為前令會稽王公所增修義例精明考
據詳核其於國計民生之務尤三致意焉距今三十餘
年殘編失次刊板因存及今猶可補輯更數十年前者
已湮後者莫續雖有志者無能為之力矣此余不揣固

義馬縣志

舊序

三五

陋而汲汲於斯後云爾時則參訂者為浦江教諭沈松
金華縣學生孔衍詞襄事者本縣明經黃之琦樓承煜
太學生王慶校正者為博士弟子員李映慈禮元斐黃
士翻仍其舊而增其新上以表協和之化下以彰激勸
之機近之存一邑之掌故遠之復一代之簡編幸前緒
之可尋乃事半功倍利於此舉不無小補云其志之
始末王序言之詳矣茲不贅

按此志自王公所增修後此
序人本序作會稽縣誌

義烏修志銜名

督修

浙江全華府知府嚴榮

主修

全華南義烏縣知縣諸自毅

續修

義烏縣儒學教諭程瑜

義烏縣儒學訓導李錫齡

監梓

義烏縣典史姚廷河

義烏縣志

銜名

協修

候選知縣舉人朱兆成

署雲南曲靖府宣威州知州舉人樓錫表

分纂

縣學廩生朱世瑗

府學廩生陳德調

縣學廩生樓錫學

恩貢生陳劍

縣學廩生駱景模

縣學廩生毛汝球

校訂

縣學增生徐光華

候選州判副貢生王閣

國學副貢生劉邦達

縣學廩生何發裔

縣學廩生吳延寬

縣學廩生吳廷鴻

縣學廩生吳廷球

府學廩生陳德理

縣學廩生黃文在

義烏縣志

銜名

縣學增生張翹

縣學增生傅代言

縣學廩生虞成

縣學廩生陳汝操

縣學廩生方濟美

縣學廩生虞家椅

校刊

縣學廩生王為道

縣學廩生毛廷獻

義烏縣志	縣 縣 縣 縣 縣 縣 縣 縣 縣 縣
董理	繪圖 學 學 學 學 學 學 學 學 學 學
街名	生 生 生 生 生 生 生 生 生 生
守 縣	員 員 員 員 員 員 員 員 員 員
學 所 生 千	陳瑞科 陳德嘉 黃鳳儀 黃甲 李如慈 陶耀光 陳占魁 陳廷九 金克甜 毛伯超 毛光焯
總 員	員 員 員 員 員 員 員 員 員 員

凡例

一舊志為前令王公廷曾於康熙三十一年所梓嗣轉
 公易基於雍正五年重修僅為增續迄今又七十餘
 年簡斷屢殘急宜補苴且規制變遷與時移易有
 得不與前志更易之虞如後載各條及并言於各卷
 首者非欲故易前人案也

一舊用合志體如以山水為巖壑志以水利土物礦產
 民兵為利病志以祥異古蹟遺事為見聞志之類雖
 體有所做而未免牽合今依通志以一事為一志

卷首

凡例

一

一舊志有八鄉圖按今殊多不合茲於縣境圖外惟米
 取名勝繪之而都園莊口列入鄉圖庶免舛訛

一建置沿革選舉職官貢稅等卷舊用格表空幅頗多
 今概易去鱗次換載以省卷帙

一舊志山水既列江湖溪澗於前又別標水利重記諸
 水於後今只於某水下註明舊志水利云云以免繁
 複

一舊志學校廟位多沿明制今遵照則例開載并致明
 有子若升次十哲年月補註焉

一舊志上田貢稅戶口分列三處然任土作貢有田斯

有賦今遵賦役全書暨通志諸書并標田賦而戶口

則從地起了者并八餘則編列鄉臨以明國家休養

生息之感云

一舊志缺編郵兵防然國家惟澤旁救淪肌沃髓豈可
 弗志且不可以朝廷設官防禦之嚴視為虛設也茲
 特增列數條而以礦防民兵舊見利病志者附兵防
 以養濟院漏澤園育嬰堂惠民藥局舊入署廡者附
 編郵馬

一官宦事蹟既立傳以誌甘棠之美其去思碑記奉例
 什除理宜從刪而邑先達之作則為節其尤以存其

卷首

凡例

二

記事記言之賢

一舊於各志中列名者未敢或佚惟遺事中魏陳顯其
 行誼不少概見但云烏傷令考古官師志並無其人
 且曹魏時烏傷隸吳晉使王濬入石頭城而吳亡則
 烏又隸司馬氏安得魏陳顯為烏傷令乎竟從刪又
 韋應物古志亦不載有令烏事惟王志據獨孤及有
 送義烏韋明府詩列入職官年表并官蹟然究不能
 確指為即應物也今於年表中剖析其義仍於官蹟
 中列其姓名以俟後考

一舊不志任林由辟薦者各有科目由科甲者各有年

分而前志暨新采但有記其官職未詳履歷者若做府志志仕林而別附佐貳雜職於後

一生無立傳之例雖或文章行誼卓有可傳而靈光碩果巍然無恙者尚俟異時論定不敢妄登

一人物如名臣忠臣孝友理學等傳有訂正處必遵通志府志及名人集中確有可據者并註明各傳下錄不敢稍用師心致駭觀聽

一忠臣舊志無標目而從前死節諸臣散列於志節武功文苑諸簡并有軼其事與名者今據通志所載及採入欽定勝朝殉節諸臣錄者並列忠臣其有從各

族家譜採入而大節凜然不容減沒者另標附記二字以明慎重至於大節所關若金涓却源禱之薦而舊列前明理學傅巖殉勝朝之難童一賢掛桃源之冠而舊列國朝文苑政事皆一一更正從其初服

一烏邑星紀藝女故女多貞操茲於節婦核其實係若節無論已旌未旌一體登載以慰幽潛至其八現在者亦以年例既符得附列焉

一舊志有一傳兩載者如朱孔雲陳文言列孝友而又重載實行有一事兩載者如楊忱中題六瑞堂事載

龔右史祠而又重載忱中傳下朱杞九子七登科載

政事朱叔祺傳而又載梅龍祠有一序兩載者如王

律朱左司集序載藝文而又詳載左司傳後有一詩兩載者如熊人霖東江渡春南營講武詩入藝文而又重載東江橋講武營有一名兩三載者如貢監之

金應方世餘虞國奇王應鸞是也今悉刪其重複惟藝副史崇正學以先祀與揭全載藝文而又節見本傳雖似複見然傳中正不可少此段議論仍其舊焉

一前志多有誤載之處如黃應錄係文獻公潛族曾祖宋咸淳間潛貢進士按潛貢即鄉舉也舊志誤作潛族曾孫而選舉誤在元延祐進士黃潛下以宋誤元

以祖作孫以鄉舉作進士今據家譜改正唐荻智韜取虎婦本虎皮并故事前志入土物虎下今本內中志改正

一先達龔副史云烏俗近古而祠最重故廣為開載俾追遠之思咸知感慕

一是志之修從邑人士朱兆歐陳瑞科等公請踴躍襄事因請兩學博程君去取李君鶴汀為總修而分纂採輯參訂諸事則同人之力為多參校舊志其有疏

類及亥承之訛者量為更正新增事蹟或從採訪或據諸牒要皆一一核實分修諸君東公論史然後登

據諸牒要皆一一核實分修諸君東公論史然後登

之簡冊庶幾可傳可信

一是志經始於嘉慶己未仲秋告竣於壬戌季秋閏三
十有九月計卷二十有二計字四十九萬有零

音浦諸白叔謹識

義


爲


邑

乘


全

圖





蘇勇園



docsriver 文川网
入驻商家 古籍书城

在文川网搜索古籍书城 获取更多电子书

